



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Exempla Affectvum, Pro Via Purgativa.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

EXEMPLA AFFECTV- UM, PRO VIA PURGATIVA,

Rejection Deprime sub pedes Dei tui superbum caput vilis creatura. Ah! etiamnum superbis? Indigna es, quam suis pedibus dignetur Jesus tuus. Conculcent te damnati omnes, ac ipsi dæmones, quorum tu iniquitates es supergressa, &c.

Accusatio Fateor enim, ut reus memetipsum accuso: Ego te summum & inæstimabile bonum, ac infinitam dignitatem vilipendi. Quis ego? quis tu? Ego filium tuum crucifixi & occidi! Ego sanguinem ejus, & infinita merita conculcavi, &c.

Admiratio O cœcitas mea! ô impudentia! ô audacia! servus nequam tam bonum Dominum tam indignè tractare potui! O honoritas tua Deus! ô patientia incredibilis! ô misericordia infinita! tu, non ferre tantùm delinquentem, sed novis etiam beneficiis cumulare potuisti.

Communicatio cum Deo Quot tu, justissime Deus, minorum scelerum reos in momento ad infernum præcipitasti? Angelos tam excellentes creaturas ad unius duntaxat cogitationis consensum in ignem æternum detrusisti: mihi ut parceres, ut dissimulares, quid te movit? An quidquam toto vitæ decursu præstiti, quod oculis divinæ majestatis placere potuerit?

Confusio. Averte oculos tuos à me Domine; quia indignus sum, in quem respicias, postquam me ad tantam vilitatem abjeci, quem tu ad tantam dignitatem creasti. Confusio cooperuit faciem meam, quia repleta est malis anima mea, quæ purissimum Dei oculum meritò avertunt à me.

Contemptus mundanorum. Si habuero omnem substantiam hujus mundi, nihil sum. Nihil est honor, nihil æstimatio & gloria, nihil opes & divitiæ, nihil omnis voluptas. E nihilo ducta in nihilum eunt: apparent & evanescent. Solus Deus est omnia; reliqua amore meo indigna.

Contritio. Deus meus, summa bonitas omnium creaturarum, tuoque ipsius amore sola, & infinitè digna; doleo quòd tam impudenter te offenderim doleo, non quia timeo, sed quia amo. Si sanguine meo fieri possit, ut non sis offensus; ecce me, discerpe me, paratum cor meum. Si tormentis inferorum deleri possit; ecce me: nullum est, quod non merui; nullum, quod amore tui non præligo peccato, quod tantoperè odisti. Si vides, qui omnia vides. quòd aliquando post quotquot annos te offensurus sim, hoc potiùs momento acerbissima morte me tolle, quàm permittas ad infelicissimum illud tempus supervivere.

Deprecatio. Obsecro te, æterne Pater, per misericordiam tuam infinitam: te Fili unigenite, per tuam in peccatores amorem, &

Spiritus sancte, per tuam benignitatem, te
S. S. Trinitas, per sanguinem & merita Chri-
sti, parce, parce misero peccatori. Amplius
crucifixe Iesu, amplius lava me vel unicâ
guttulâ tui sanguinis à peccatis meis. Adge-
nicular Crucis tuæ, & indignus licet expecto
misericordiam tuam.

Diffidentia sui. Vide Domine infirmita-
tem meam: quia nihil possum sine te, nec in-
vocare te. Ne desere me, quia labor sine te.

Exhortatio sui ipsius. Erige te anima mea de
cœno peccatorum, in quo jaces. Aude ali-
quândo aggredi, quòd vanè metuis: De^o por-
rigit manum suam; tu tuam exere, & appre-
hende auxilium. Quid hæres? quid dubitas?
fortior est? qui te juvat, quàm qui te tentat.

Exprobratio. Quæ tua est impudentia,
tam tenerè te amantem Deum, tui amore in
Cruce morientem, tam indignè tractare; &
odia illi indicere, à quo amores, favoresque
recipis. Hoccine meruit, qui te ad se creavit,
ut ei cum tanto contemptu tergum verte-
res? Hoc, qui te toties recepit, & etiamnum
expansa habet in cruce brachia ad te ample-
ctendum, & tu stercora, & mundi quisqui-
lias suumque hostem amplectaris? &c.

Fiducia. Deus meus, auxiliator meus, in
te confido, non erubescam. Si consistant ad-
versum me castra tentationum, non timebit
cor meum, quia tu es protector meus: Si
exsurgat adversum me prælium, in te ego
sperabo, quia tu es Deus meus.

Gratitudo. Gratias tibi ago Deus meus, quòd peccantem me, & non pœnitentem, hucusque conservaveris, neque statim meritis pœnis addideris, otiumque dederis animæ meæ calamitatem agnoscendi, ac detestandi; quod mille alijs non concessisti, quos priùs mors, & æterna damnatio occupavit, quàm præstare id possent.

Humiliatio. Agnosco vilitatē meam, Deus infinitæ majestatis. Infrà nihilum descendi, quia te offendi. Et merui, & volo ab omnibus contemni, & vilipendi, volo non expectare tantùm, sed quærere, & ambire contempt⁹ mei occasiones. Confirma hanc voluntatē meam, pro me toties despecte Jesu.

Invocatio Sanctorum. Indignus sum, qui accedam ad thronum misericordiæ Dei, quam impudentissimè despexi. Tu unica & potens peccatorum advocata, Dei mater Maria, quæ nullum in te confidentem despicias, ostende pro me filio tuo ubera, quibus eum lactasti; & per merita tua impetra mihi à justissimè irato Deo misericordiam. Tu Angele mi tutelaris, cui curæ sum ab infantia, per gaudium illud, quod habes super uno peccatore pœnitentiam agente; vos SS. NN Patroni mei, &c.

Mendicatio spiritualis à Sanctis dei. Sãcta & immaculata Dei mater, quæ quantum amasti filium tuum, tantũ odisti peccatum; vide generis humani (vel hujus hominis N) calamitatem; infunde aliquid amoris tui

cordi illius, ut sciat, ac velit reprobare malum, & eligere bonum. Sancti Angeli Dei, qui primi tentanti Angelo constanter restitistis, aliquid constantiæ vestræ hujus tentationibus suggerite. S. Petre, qui unum peccatum toto vitæ tempore incessanter deplorasti; aliquid pœnitudinis & lachrymarum huic indulge, &c.

Odiū sui Quis me liberabit de corpore mortis hujus? quid queror æterna ego mihi ruinæ & calamitatis meæ sum causa, fictum hostem culpo, & vero blandior? Ego sum ipse, qui occidi me, dum amavi me. Sed teneo hostem meum; non dimittam, nisi occidam eum. Moriatur sensus, vivat ratio; moriatur auctor mortis animæ meæ, vivat auctor vitæ animæ meæ Jesus. Ut semper me oderim, semper amabo Deum meum.

Propositum. Nondum usque ad sanguinem decertavi cum hostibus animæ meæ: sed abnunc, si necessarium sit, totum sanguinem ad ultimam usque guttam lubens gaudensque impendam potius, quam delinquam. Sic statuo coram Jesu meo pro me crucifixo. Moriar millies, ne semel peccem.

Reprehensio sui. Et ausus tu es tanta in Deum impudentia? quis tu? quis Deus? & quid ausus es? O creaturarum ingratiſſima! jam parvi tibi est Deus? tam magni tu tibi ipse, aut modica tui sensus delectatio?

Timor Timor & tremor venerunt super me, quia irritavi iram tuam Domine. Quo

fugiam à facie iræ tuæ? quando undique tu
me circumstas, & quem patrem habere no-
lui, strictissimum Judicem meorum scele-
rum formido. O Domine, ne intres in judi-
cium cum servo tuo.

*Hæc pauca exempla affectuum pro via
purgativa sufficiant, quæ licet proportione
quadam facile ad viam illuminativam tra-
here possis, libet tamen & hujus viæ alphabe-
tum suggerere, & pauca exempla adnectere.*

ALPHABETUM AFFECTUUM, PRO VIA ILLUMINATIVA.

A Mor proximi.

Animatio sui ad studium virtutis.

Benignitas.

Bonitas.

Contemptus mundi.

Conversatio.

Curiositas spiritualis quærens per Sanctos
in cælo varia virtutis alicujus exercitia.

Eleemosyna spiritualis petita à Sanctis pro
se & aliis.

Expostulatio pia cum Deo & Sanctis.

Fortitudo in adversis.

Gratiæ petitio.

Gratiarum actio.

Humilitas.

Imitandi desiderium.

Intentio gloriæ Dei.

Laus Sanctorum.

Longanimitas.

Mor-

Mortificatio corporis.

Nitor conscientia.

Obedientia.

Patientia.

Paupertas.

Præsentia Dei.

Suavitas.

Tranquillitas.

Veritas

Zelus animarum.

EXEMPLA AFFECTUUM, PRO VIA ILLUMINATIVA

Amor proximi. Te Deus in meo proximo, & proximum propter te diligo, sicut me. Tu me exemplo magis, quam verbis hoc docuisti: qui cum inimici essemus, dilexisti nos: qui perditos nos quæsiisti & attraxisti miserans. Quem oderim, dum tu omnes amas? quem despiciam, dum tu bonis & malis pretium tui sanguinis impendis.

Benignitas. Obstupesco tuam Jesu mi benignitatem! quam benevolè ad te revertentes peccatores excipis! quam amanter alloqueris! quam tenerè amplecteris! & sine exprobratione omnia restituas bona, quibus per peccatum fuerant spoliati. Hâc te sequar mi Jesu, quorum mihi incumbet cura, amabo etiam delinquentes, ut reducam; compatiar calamitati animæ, tractabo vulnera leniter in modo, in gestu, in vultu, in verbis, ut merus animi amor appareat.

Boni-

Bonitas Tua ad benefaciendum propensio, bone Jesu, mea est in omnes proximos agendi regula. Innumera in nos dona, sanguinem tuum, merita, gratias, te ipsum elargiris; neque majoribus tantum, aut iis, qui te reverentur, & amant, dignosque se praestant; sed vilibus etiam, te ignorantibus, demerentibus, contemnentibus. Trahit me ram suave exemplum, ut me impendam omnibus, & super impendam, nemo mihi vilis, nemo mea indignus ope; quia nemo tibi.

Contemptus mundi. Tu non es de hoc mundo, amabilissime Jesu: tua desideria, affectus, vota, spes, prosecutiones non tendunt in honores, gloriam, existimationem, laudes & applausus. Delirium meum est, si eò tendam, unde tu Sapientia Patris abhorres. Quia nihil sunt, indigna sunt eo corde, quod non satiatur, nisi Deo.

Conversatio In terris visus, & cū hominibus conversatus es, Dñe Jesu: prudenter & circumspectè, ut non offenderes; suaviter & urbanè, ut animos traheres; utiliter & salubriter, ut prodesse iis, quibuscum versabaris. O si & ego prodesse intenderem! quàm cohiberem affectus meos? quàm caverem errores? quàm abstinerem asperis & acerbis, frivolis & vanis, & quandoq; noxiis sermonibus? Semel juravi: aut obmutescā, aut sana loquar.

Fortitudo in adversis Omnia possum in eo, qui me cōfortat: non ego, sed gratia Dei mecum.

pen-
mos
fan-
lar-
qui
præ-
de-
me
lam
i vi-
tibi.
hoc
af-
en-
em,
t, si
or-
de,
ib^o
cir-
ur-
ori-
s. O
be-
ces?
olis
Se-
nar.
eo,
ne-
um.

cum. Non mihi innitor, sed potentia Patris,
quæ cannas erigit in columnas ; sapientia
Filii, quæ modos, viasq; eluctandi habet in-
finitas; gratia Spiritus S. quæ facit aspera in
vias planas In Deo meo transgrediar muros.

Humilitas O humilitas nascentis, viven-
tis, morientisq; Jesu mei! Cùm in forma Dei
esses, exinanivisti temetipsum, abscondisti
divinitatis majestatem, ne in te conflueret
omnis honor, gloria, admiratio & applau-
sus populorum. Ah! serò licet, tandem ta-
men eligo abjectus esse in domo Dei, in lo-
co & officio: & hæc sit gloria mea.

Intentio gloria Dei. Non quæris gloriam
tuam, Domine Jesu, sed honorificas Patrem
tuum; neq; altiozem reperisti operum tuo-
rum tuæque passionis finem Huc tua incar-
natio, vita, mors, cogitationes, verba, opera,
somnia, ac omnis respiratio tendebat. Tra-
he me post te. Quæram te, sine me: sine meo
emolumento quæram te quotidie, quavis
hora, quovis momento, quavis respiratio-
ne: quæram purè, sine admixtione creaturæ,
majorem tuam gloriam.

Longanimitas. Potes Deus momento ple-
tere, quo peccat homo: siq; id facias, justum
est, & in æternum laudabile judicium tuum.
Sed sustines tamen longanimis, patiens &
multæ misericordiæ: sustines menses & an-
nos, & non expectas tantum, ut revertamur,
sed revocas ad te, & attrahis miserans. Re-
spi-

spicis Petrum, tangis cor Magdalenæ, ad-
blandiris Judæ, &c. Egone vel me à te de-
sertum querar? vel spem alienæ conversatio-
nis deponam? Aderis in tempore mihi: Ex-
pectabo te Domine, & non movebor. Ade-
ris gratiâ tuâ peccatoribus: sustinebo, &
quod meum est, operabor. Non erit inanis
opera, quæ te imitatur.

Mortificatio corporis. Tota vita tua, Jesu,
continua fuit corporis afflictatio. Poteras,
cùm Deus esses, citra periculum omnia cor-
pori commoda indulgere. Non egebas hoc
studio ad corrigendam naturam, quæ nec
vitiata erat: nec vitari poterat: non ad subji-
ciendum corpus rationi, quod Divinitas
moderabatur, ut non posset rebellare: & ta-
men in laboribus & doloribus à juventute
tua vixisti, & expirasti. Est ergo amabile
quiddam, quod tu elegisti. Quid agimus
anime? vitiata tibi est natura, & in malum
proclivis, rebellat rationi, inducit in pecca-
ta; & adhuc ei blandieris, ut quàm minimum
patiat, studebis? Imò cõteratur caro mea,
ut vivat spiritus. Ut tuus sim, carnem meam
crucifigam cum vitiis & concupiscentiis.

Nitor conscientia. Splendor sine macula es
Jesu mi, munditia ab omni immunditia libe-
ra, perfecta & omninò immaculata. O quan-
do potero & ego insultare mundo, carni, &
dæmoni. Quis vestrum arguet me de pecca-
to? O quã suavis dies, laborq; omnis, quàm
dulcis quies hominis, dũ culpa non mordet

animus! quàm hilaris felixq; mors ejus, quæ
conscientia nō accusat. At hoc solatium ne-
mo alius, quàm tu ipse, impendere tibi pot-
est. Malo ergo millies mori, quàm scædari.

Obedientia. Omnia de te dixit, qui te ama-
vit: Factus obediens usq; ad mortem, mor-
tem autem crucis. Et tu obediens, Filius
Dei, Sapia Patris, Dominus dominan-
tium? & non Patri tantum, sed hominibus,
etiam sceleratis, & iniquis iudicibus, ac car-
nicibus? & usq; ad mortem? O ferrum ego
& indomitum saxum, si hoc exemplo non
movear, ut iis obediam, & in omnibus, &
semper, qui Patres sunt, qui vice Dei fun-
guntur, quibus tuam in me potestatem tribuisti.

Patientia Domine dirige cor meum in pa-
tientia Christi. Statutum est, aut pati, aut
mori. Tu Iesu mi, quàm dura in corpore,
quàm acerba in anima, quàm infamia in
honore sustinuisti? Tu idem Deus & homo:
& ego unius puncturæ imaginatione per-
cellar, minima infamia turbabor? O Domi-
ne, da, quod pro te patiar, qui pro me passus
es infanda;

Paupertas. Domine Iesu, cùm esses dives,
factus es pro me egenus: ut nō haberes, ubi
caput tuum reclinares. O res à seculis inau-
dita, pauper Deus. Et ego illis affigam ani-
mum, quæ Dea odit? Ego pro Deo non re-
linquam lætus & hilaris mundi nugas, qui
pro me reliquit omnia regna mundi sibi jure
debita, adeoq; & cœlum ipsum? *Suavi-*

Suavitas Quàm suavis est Domine Spiritus tuus ! præscribis leges , sed addis vices : cum minimum facimus , tu plurimum præstas : aptas te singulis , nulli vim inferis : paucissima exigis cū plurima & gravissima possis. Si erramus, nos revocas, & manter trahis. Confundis asperitatē meam, Evincis omnino, ut in proximo meo excuseam delicta, attendam fragilitatem , non plus exigam, quàm ipse præstem, si quandoq; sit severitas adhibenda, ea semper suavitate misceatur.

Tranquillitas. Quanta locuti sunt adversum te malignantes Domine Jesu ! tu factus es tanquam surdus & mutus. Quantis impetitus es blasphemis ! at tu immotus stetit, tanquam non haberes in ore tuo redargutiones : tenuitque semper animum imperturbata quies , tametsi fulmina excire potuisses. Cur ergo, si leviter tangor, erumpo in immoderatos, præcipientesq; motus ? Respiciam in te Jesu mi ; & si famam, si vitam perdam, tranquillitatem servabo.

Zelus animarum. Amabilissime Jesu, tu propter nos homines, & propter nostram salutem descendisti de coelo, quot hoc fine sustinuiſti elementorum injurias ? quot suscepisti itinera ? quot labores & dolores ? quot mores exantlasti. Effudisti te ad omnes, divites & pauperes , honoratos & abjectos, senes & pueros, in urbibus & pagis, in campis & desertis, die & nocte. Tanti tibi fuerunt

anig

animæ nostræ, quanti tuus sanguis, hunc enim pro illis dedisti. Nimis viles ego facio animas, si non ex æquo ad pauperes, abjectos, & pueros me effundo, pro quibus idem pretium datum est. Si pluvia, si nox, si longinquitas spatii, si quævis incommoditas me deterret. O animæ Christi sanguine redemptæ! ô si omnes! ô si unam meo sanguine & acerbissima morte salvare possim!

Advertendum est, quòd quemadmodum Via illuminativa spectat doctrinam proximque virtutis, ita respiciat & Christum, veluti normam & absolutissimum exemplar virtutis. Quæ mihi ratio fuit, ut in singulis hujus viæ affectibus motivum desumerem ab exemplo Christi.

ALPHABETVM AFFECTVVM, PRO VIA UNITIVA.

- A**micitia cum Deo.
Amplexus Dei.
Appreciatio Dei.
Aspiratio ad Deum.
Beatitudo in Deo.
Complacentia.
Conformitas cum Deo.
Desiderium Dei.
Donatio sui Deo.
Exaltatio Dei.
Exultatio in Deo.
Filiatio ad Deum.
Fraternitas cum Christo.
Gaudium in Deo, & Christo.
Gloriatio in Deo, & Christo.
Imitatio Christi.

Invi-

Invitatio creaturarum.
Languor animæ in Deo,
Laudatio Dei,
Mors in Deo
Narratio magnalium Dei.
Oblatio sui.
Pactum cum Deo,
Quies in Deo.
Respiratio in Deo.
Vita in Deo.
Unio cum Deo.

EXEMPLA AFFECTUUM PRO HAC VIA.

Amicitia cum Deo. Amas me, amo te,
amor meus, Deus meus! Tu quod es,
meus es: ego quod sum, tuus sum. Mergor in
infinito tuo, tu in meo nihilo. Quia amas
me, communicas te mihi; quia amo te, red-
do me tibi, & te tibi, ô amor meus, unus &
solus, electus ex millibus.

Amplexus Dei. Parce mei amoris audaciæ,
Deus meus. Qui posuisti lævam sub capite
meo, & dexterâ tuâ amplexaris me, intrâ tua
brachia cogis me. In illa reverentissimè
conjectus & vivere volo, & mori desidero.
tu stringe me, nec permitte me separari à te.

Appretiatio Dei. O bonum inæstimabile
Deus, & omnium desiderabilium finis! Quia
supero omnia æstimo te, super omnia amo te.
Deficit in tui pretij æstimatione intellectus
meus, & sub imperio voluntatis te infinito
æstimatione appretiare desiderantis fatiscit

Sit tibi satis Deus meus: ame te millies, & millies plus quàm te, plus quàm satietatem animæ meæ, plus quàm ipsam beatitudinem meam, & jucundissimum, æternumque tui aspectum amo te; & in hoc morior, amo te.

Aspiratio ad Deum. Ubi sum? Ah jube me Domine venire ad te. Exeam à mundo & ejus concupiscentiis; exeam à meipso, ut nusquam sim, nisi in te. O quando erit felicissima illa hora, quâ mihi vel annuas, vel dicas: Veni de Libano, veni! Ecce me, respondebo, adsum: nec ullum me aliud votum vel momento retardabit.

Beatitudo in Deo. Deus meus, nondum video te revelata facie; & tamen beatus sum, quia amo te. Nullum tormentum sentio, dum amo te; quia solum tormentum mihi est non amare te. Tu solus totum intellectum trahis, ut te unum possideat: tu, solus omnem amoris mei vim exhauris.

Complacentia Dei. tu es, qui es: & hoc unum mihi placet, quod es, qui es infinitè perfectus in sapientia, potentia & bonitate. Non possum hoc exprimere, nisi verbis illius amaris: Si tu Deus esses Augustinus, & ego Augustinus essem Deus, ego Deus vellē, ut tu Augustinus esses Deus: ita mihi placet, ut tu sis tu.

Conformitas cum Deo. Amo te Deus meus. Satis dixi: voluntas mea jam tua est, & tua est mea. Vis me premi, abjici, contemni, torqueri, dilaniari: volo & ego, quia tu vis. Vis

**

me

me inter beatos ad tui fruitionem attollere:
volo : non quia limpida & innocentem
hoc adfert voluptatē ; sed unice quia tu vis.

Desiderium Dei Desiderium habeo dissol-
vi, & esse tecum. Quis me liberabit de cor-
pore mortis hujus! Quando veniam, & ap-
parebo ante faciem Dei mei ! Defecit cor
meum, & caro mea, Deus cordis mei, & pars
mea Deus in æternum. Sed nemo venit ad te
nisi tu traxeris eum. Trahe me post te amor
meus, Deus meus: trahe me, & curram ad te.

Donatio sui Deo. Quid petis à me Deus
meus? Audio suavissimam tuam vocem: Pre-
be, fili mi, cor tuum mihi. Ecce habes: tibiq;
spontè, hilariter dono, quidquid mihi dedi-
sti; cor, animam, vitam, sanguinem, intelle-
ctum & voluntatem. Nolo cor meum, nisi
sit tuum: nolo amare, nisi te: nolo vivere, nisi
in te: nolo sapere, nisi te: nolo velle, nisi te.
Jam tuus sum, non sum meus: Vivo quidem,
sed non ego: vivit verò in me Deus.

Exultatio in Deo. Cor meum & caro mea
exultaverunt in Deum vivum. Salio extra
me Deus meus, ut veniam ad te. Angustia
cordis mei non capiunt torrentem volupta-
tis, quo tui recordatio me perfundit.

Filiatio ad Deum. Filius tuus ego sum, fi-
lius tuus. Non est præsumptio; quia dedisti
mihi potestatem filium Dei fieri, Dicam tibi
semper, & tota animi fiducia dicam: Pater
meus es tu. Diligam te, quia Pater meus es

tui

tur: amplectar te, nec dimittā te, quia pater
meus es tu. Pater, da mihi portionē substan-
tiæ, quæ me contingit: sed portio mea tu es
Deus meus: aliam nec quæro, nec admitto.

Fraternitas cum Christo Primogenite in
multis fratribus Jesu Christe: Pater tuus
idem meus & esse, & vocari vult Pater: te
hæredem, me cohæredem facit. Amo te
amabilissime frater: & si me in hæreditatem
regni non admittas, amabo te: & si me à te
projicias, amabo te. Omnia tu unice hæres
accipe, quia omnia debentur tibi, unicum
mihi relinque amorem, ut amem te. Hic
unicus sit pars mea, & hæreditas mea.

Gloriatio in Deo & Christo Absit mihi
gloriarī, nisi in Deo meo, & in cruce Domi-
ni mei Jesu Christi. In hoc glorior quòd tu
Deus sis Deus meus, Dominus meus omne
bonum meum: in quo summa mea est felici-
tas, quòd sim creatura tua, servus tuus, &
quem tu amore infinito dignaris. In hoc
gloriabor, si in cruce configar Jesu meo, si
vulnera tua fiant mea & tecum paupere &
despecto fiam pauper & despectus.

Imitatio Christi Cùm in forma Dei esses,
amor me^o Jesu, exinanivisti temetipsum di-
vitiis, amoribus & sapientia, factus pro me
egenus ac despectus, & ludibrio habitus. Fac
possim esse dives: nolo; quia tu fuisti pauper.
Fac possim esse ab omnib⁹ honoratus: nolo;
quia tu contemni elegisti. Fac possim sapiē-
tiam & famam lucrari: nolo; quia tu pro fatuo

haberi maluisti. Electio tua regula est electionis meæ. Et sic eligo solum ad maiorem tui imitationem.

Languor anima in Deo Amore tui languo, Deus meus. Nauseat anima mea, quidquid humani est solatii, & mundum omnesque creaturas fastidio; quia te unum & solum amo; & cum nondum te frui licet, in omni alia operatione deficio, & solo amore respiro, amor meus, Deus meus.

Laudatio Dei Lauda anima mea Dominum, quoniam bonus Omnis actio mea, omnis cogitatio mentis, omnis affectus voluntatis, omnis respiratio, omnis arteriæ motus dicat tibi: Magnus Dominus, & laudabilis nimis. Necdum assequor, quod volo, quidquid dicam, quidquid cogitem; adhuc es infinites laudabilis. Magnificet te, meo loco, anima sanctissimæ Virginis Mariæ. Laudent te ardentissimo affectu Seraphini. Sanctus, Sanctus, Sanctus. Benedicant omnia opera Domini Domino, laudent, & superexaltent in secula. Nondum assequor, quod intendit affectus. Laudet te humanitas sanctissima Redemptoris mei: &, quod ultra non possum, tua te divinitas laudet in secula.

Mors in Deo. Mortuus sum, & vita mea abscondita est cum Christo in te Deus meus. Liquefacta est anima mea, cum tu tetigisti cor meum, à me transivit in te. Omnis cogitatio mea, omnis affectus meus, cum Christ

sto consepultus est in te. Vivo tamen in te,
quia hoc unum sentio, quod amo te.

Narratio magnalium Dei Magnificat ani-
ma mea Dñum: Quia fecit mihi magna, qui
potens est, &c. *Potes tetum recitare* Quid-
quid sensu, quidquid intellectu capio extra
te Deus meus, opus manuum tuarum est, &
tui in me amoris effectus: Ideò magnificat
te anima mea Dñum. Sic dilexisti mundum,
ut filium tuum unigenitum dares: Ideò ma-
gnificat te anima mea. Charitatē tuam dif-
fundisti in cordib⁹ nostris per Spiritū S. qui da-
tus est nobis: Ideo magnificat te anima mea.

Oblatio sui Omnia mea tua sunt Dñe? quia
omnia tua voluisti esse mea. Quid habeo,
quod à liberalitate & misericordia tua non
accepi? & quia accepi, rursus tibi cum since-
rissimo gaudio offero, corpus meum & ani-
mā meam, omnes sensus & potentias meas,
intellectum, memoriā & voluntatem meam.
Non aspice quòd mea sint, sed quòd tua; &
pretiosissimo sanguine filii tui tibi vindicata.

Pactum cum Deo Amo te Deus meus; & tu
scis, quia nihil amo nisi te. Non sufficit cor
hoc sentire, non lingua loqui. Sic ergo paci-
scor tecū Deus, de minimo quocunq; motu
interno & externo animæ, cordis & corpo-
ris mei; de omni mea æquè dormiētis, ac vi-
gilantis aspiratione, ac respiratione, de o-
mnibus, & singulis, quæ sunt, & erūt, creatu-
rarum motibus: de singulis Beatorum tuo-

rum, & SS matris, ac Jesu mei Redemptoris
actibus sint signa mea, quibus meum in te
amorem loquar. Quidquid horum aspicias
Deus, in eo tibi ego loquor: amo te amabi-
lissime Deus.

Quies in Deo. In omnibus requiem quæ-
sivi, sed extra te non inveni, Deus meus,
amor meus. In omnibus nihil reperi, nisi
dolorem & afflictionem spiritus. Recordatus
sum tui, ecce pax & consolatio, quam
mundus & creatura nulla dare potest. In-
fundo me totum in sinum beneplaciti tui.
Hæc requies mea: hîc habitatio, quoniam
elegi eam. In pace, in idipsum moriar.

Vita in Deo. In te, per te, propter te vivo
Deus cordis mei. Tu anima animæ meæ.
Nullam volo mentis, nullam corporis ope-
rationem, quæ non sit beneplaciti tui. Hoc
solum me movet, ut excedam rebus omni-
bus creatis. Quo moveor, illo vivo. Vivo te,
vita mea, Deus meus

Unio cum Deo. O quàm mihi bonum est
adhærere Deo! Jam experior; quòd, qui ad-
hæret Deo, unus spiritus est cum eo. Tu mi-
hi hoc obtinuisti, amabilissime Jesu, quan-
do etiam pro me orasti Patrem, ut sim in
te, & in Patre unum, sicut tu & Pater
unum estis. Et quis me sepa-
rabit? &c.

INDEX